

# PEKADU, EVANJELLU NO LEI






“Hau sei nunka haluha O nia mandamentu sira to’o tinan ba tinan, tamba ho liafuan ne’e O fo moris mai hau. Hau ne’e mak O nian, salva hau ba, tamba hau buka O nia mandamentu sira.”

(Salmo 119:93, 94)

Ita simu ka la simu, pekadu mak problema ida ne'ebe afeta ita hotu, estraga ita nia relasaun ho Maromak: “tamba ema hotu-hotu halo ona sala, no ita la to’o Maromak nia gloria” (Roma 3:23).

Oinsa ita bele hadia valey ne'ebe separa entre ita ho Maromak? Balun prezenta ona solusaun posivel rua ba problema ne'e: Lei mesak (salvasaun liu husi hahalok diak, konsepsaun ne'ebe sala kona ba Lei nia funsaun); ka Evanjellu mesak (salvasaun liuhusi fiar, halakon Lei).

Se ita komprende ho diak, Lei no Evanjellu laos inkompativel, maibe rua ne'e kolabora iha ita nia luta hasoru pekadu. Ida-idak iha ninia knaar rasik.



- 👉 **Hadook an husi tentasaun.**
- 👉 **Konsellu atu evita pekadu.**

**PEKADU**



📖 **Lei no Pekadu**

**LEI**



- ✝ **Evanjellu no Lei.**
- ✝ **Harii iha Fatuk leten.**

**EVANJELLU**



# III PEKADU




# EVITA TENTASAUN

“Maibe ema ida-idak hetan tentasaun bainhira ninia laran rasik mak kaan buat ruma no dada nia to’o nia monu ba lasu” (Tiago 1:14 NVI)



Tiago bolu sira ne’ebe reziste tentasaun “KSOLOK” (Tiago 1:12 NIV). Maibe nia klarifika katak tentasaun la mai husi Maromak (Tiago 1:13 NIV), maibe katak tentasaun mosu husi ita nia hakarak sira ne’ebe kaan (Tiago 1:14 NIV).

Apostlu Paulo koalia kona ba "tentadór" ida (1 Tesalonika 3:5), ne’ebe Jezus identifika nudar Satanas (Matius 4:3, 10). Nia mak ida ne’ebe hatene diak liu oinsa atu uza ita nia frakeza sira hodi lori ita ba sala. Ita keta haluha katak ita envolve iha funu kosmiku entre Kristu no Satanas, no katak tentador sei halo buat hotu iha nia kbiit atu hadook ita husi Kristu.



Simson mak ezemplu klaru kona ba ema ne’ebe rende ba tentasaun, nia monu ba nia emosaun rasik, maski nia hatene katak emosaun sira ne’e kontra hela Maromak nia hakarak (Juizes 14:1-3; 16:1, 4).


Oinsa atu evita tentasaun? Liu husi buka Maromak (Matius 6:33); pasa tempu mesak ho Nia (Markus 14:38); uja eskudu fiar nian (Efesu 6:16).



# KONSELLU SIRA ATU EVITA PEKADU

"No se o nia matan halo o monu ba sala, fokit sai tiha matan sorin ne'e. Diak lia o tama ba Maromak nia reinu ho matan ida, duke o iha matan rua no sira soe o ba ahi infernu nian" (Marcos 9:47)

Jezus husik hela instrusaun sira ne'ebe klaru atu evita pekadu:



Evita aan atu labele halo buat ruma ne'ebe bele lori ita ba sala (Markus 9:43; Job 23:12). Purizemplu, sosa no hemu alkoholiku sira.

Evita aan atu labele ba fatin sira ne'ebe ita bele halo sala (Markus 9:45; Job 23:11). Purizemplu, ba fatin dansa sira.

Evita aan atu labele hare buat sira ne'ebe bele lori ita ba sala (Markus 9:47; Job 31:1). Purizemplu, haree filme sira ho senariu sira ne'ebe la diak.



Ho liafuan badak, esforsu aan atu labele monu no labele hetan tentasaun atu halo sala. Halo orasaun kona ba ida ne'e.

- 1 Keta hanoin katak ita mesak bele halo buat hotu (1 Kor. 10:12)
- 2 Para atu hatete ba ema hotu katak ita-boot mak diak liu, maibe haraik an hanesan Jezus (Mat. 6:2)
- 3 Esforsu atu halakon hakarak sira ne'e husi ita boot nia fuan (Mat. 5:28-29)
- 4 Para atu kritika no julga ema seluk (1 Kor. 4:5)
- 5 Keta odiu imi nia inimigu sira, maibe harohan ba sira (Mat. 5:44)
- 6 Para atu hirus ema sira ne'ebe hale'u ita boot (Mat. 5:22)




LEI




# LEI NO PEKADU

"Ema hotu ne'ebe kontinua halo sala kontra hela lei. Tamba sala mak hahalok ne'ebe kontra lei" (1 Joao 3:4)



Ema barak mak interpreta sala kona ba relasaun entre Lei ho pekadu. Sira fiar katak wainhira halo tuir Lei, sira bele sosa fali sira nia sala (Gal. 5:4). Ideia ida ne'e lori ema barak ba extremu seluk, katak, Lei ne'e halakon tiha ona.


Problema ne'e mosu tamba sira hanoin katak Lei iha relasaun ho salvasaun, tantu nudar meu ka nudar obstaklu atu hetan ida ne'e. Maibe lei nia funsaun laos atu salva. Entaun, nia funsaun mak saida?



Ukunfuan hatudu sala mai ita (1 Joao 3:4). Se laiha Lei, ita sei la hatene saida mak sala (Roma 7:7) no tamba ne'e ita sei la buka solusaun (Galasia 3:24).

Lei laos fo todan, maibe Lei mak moru protesau ida ne'ebe prevene ita atu labele sofre konsekuensia aat sira husi sala (1 Joao 5:3; Salmo 1:1-3).





# EVANJELLO




# EVANJELLU NO LEI

"Tamba ita hatene ona katak ema sai loos liu husi fiar, ne'ebe ketak husi hahalok ne'ebe tuir lei" (Roma 3:28)

Ita nia salvasaun (perdaun ba sala no moris rohan laek) mai husi Jezus Kristu nia sakrifisiu iha krus (Galasia 3:13). Ida ne'e tuir lo-los motiva ita atu hadomi Jezus (1 Joao 4:9, 19). No ita hatudu domin ida ne'e ho lo-los hodi halo tuir Ninia ukunfuan sira (Joao 14:15).

Mai ita hare fali relasaun entre Ukunfuan no Evanjellu (katak, salvasaun liuhusi Jezus nia raan):



Jezus nunka hanoin atu halakon Lei, maibe atu konfirma (Matius 5:17). Tantu Lei no Evanjellu refleto Maromak nia karakter rasik: DOMIN.



# HARI' IHA FATUK LETEN

**"Ne'eduni, ema ne'ebe rona Hau nia liafuan, no halo tuir buat sira ne'e, nia mak hanesan hari'i ninia uma iha fatuk leten" (Matius 7:24)**



**Simu Evanjellu signifika tuir hela prosesu ida. Etapa dahuluk mak konesimentu. Ita presiza hatene katak Ema ruma bele sosa kotu fali ita (Roma 10:14).**

**Maibe konesimentu deit sei la salva ita. Jezus kompara sira ne'ebe simu konesimentu salvasaun nian maibe la tau prinsipiu sira evanjellu nian iha pratika ho ema ida ne'ebe hari'i nia uma iha rai henek "no ikus ninia uma hetan estragus" (Mat. 7:26-27).**



**Konesimentu tenke akompana ho asaun konkretu (Mat 7,24-25). Ita hetan justifikasaun laho obra sira Lei nian (Rom. 3:28), maibe obra sira ne'e presiza haree iha ita nia moris nudar rezultadu husi ita-nia salvasaun (Mat 7:18-21).**

**Bainhira ita simu Jezus no moris iha relasaun ne'ebe besik ho Nia, halo tuir Ninia ukunfuan sira, signifika ita harii hela ita nia uma iha Fatuk leten.**



**“Ukunfuan hatudu ema nia sala, maibe la oferese salvasaun. Maske Lei ne’e promete moris ba ema ne’ebe halo tuir, Lei mos deklara katak folin husi kontra Lei mak mate. Kristu nia sakrifisiu deit mak bele hasai ita husi kondenasaun sala nian. Wainhira ema ida kontra Lei, nia tenke arrepende iha Maromak nia oin, no fiar iha Kristu no Ninia sakrifisiu sira. Nune’e, nia hetan "remisaun ba sala sira ne’ebe nia halo uluk" no sai partisipante ba natureza divina nian.”**

**EGW (The Great Controversy, p. 467)**